

沅湘耆舊集前編

沅湘耆舊集前編卷第二十五

新化

鄧顯鶴

子立審編

男琮謹輯

雪磯先生樂雷發

今體詩八十五首

歸侍

石田茅屋野苔春  
喜對庭闈話苦辛  
客路本無如意事  
羣難有卻回身  
且尋農耒耕湘雨  
待看天戈洗韃塵  
門外黃旗邊餉急  
可堪杯酒各傷神

罪言

愁殺瀟濱蟻醢臣  
亂山斜照獨含情  
人才不似深衣古  
國勢何如楮幣輕  
石燕未蘇湘國早  
木牛那濟蜀川兵  
幸無

杜老流離苦切莫吟詩到北征

送史主簿之鄂就解

囊中秋卷逼唐賢門外侯芭問太名才大豈堪棲枳棘官  
清應只友蘭荃湘行又泛君山月淮跡曾衝赤壁煙擬借  
從君新句看試尋黃帽寄綱船  
宦途捷徑在三邊且住吟船贈馬鞭壯士苦無橫草志將  
軍還用撒花錢韃兵猶未回燕鳴蜀耗何應問杜鵑今日  
送君無別話石隨卻穀洗狼煙

送邵瓜坡試湖南漕舉

槐花市路促湘行閩賦唐詩舊擅聲瑣院幾曾言國事書  
生何止枉科名畢冢夜煽杭都火大角秋經蜀道兵莫作

鴈備場屋話琅玕滿腹正須呈

送李公路游臨武

嶺梅瀟菊兩關情歲晚江湖載酒行  
客路欲依嚴挺子瘴鄉已老少游兄  
瓦盆月話田家事肉食誰通鈍漢名惆悵  
韓張亭畔路雪鞭風帽又東征

贈江華熊伯巖

堂萱營柳伴吟哦黃綬仙翁鬢未儲  
對客不矜名第貴輸心惟在簡編多  
江頭魴鯉香晨膳境內鷗臬冷夜窠  
湘國詩盟今寂寞衰頽猶喜識陰何

江華送熊清父遊廣州時予有衡陽之役

邂逅陽華且酒壺海鵬衡雁各征途  
此生俱被飢寒役老

境還堪離別無鄉夢定應思款段客吟何用說  
仙叟參寥訣好訪安期採澗蒲

送友人之辰州覲省

跼鴛東畔瘴雲低山徑如梯去馬遲  
正則自吟皇樹頌廣微惟誦白華詩  
春風採藥桃花國落日尋碑薏苡祠  
覓得丹砂能寄否溪亭送客鬢毛衰

謁李梅亭

力拔鯨牙氣貫虹玉堂歸只守貧窮  
世無真魏扶吾道人以乾淳望此翁  
大地精靈歸筆下國家命脈寄山中  
緇袍羸駟崇仁路正擬登門聽擊蒙

代送徐侍郎赴召

大厦誰堪任棟梁  
試畱齋艦問行藏  
朝廷議論如春雨  
吳蜀人才似夕陽  
三漸何曾投硃藥  
五寒今望起膏肓  
擬看相業磨崖在  
卻到浯溪話別觴

聽友人談蜀道事

石棧天梯蕩戰塵  
誰驅哨馬滿峨嵋  
盡看烏犬爲君子  
注自元次山  
誰問沙蟲化小人  
韃知豈應強兀术  
蜀材正自欠吳璘  
細吟猛虎長蛇句  
空對西風淚滿巾

送廣州劉叔治倅欽州兼守事

天涯亭畔擁提屏  
丹荔黃柑滿去程  
阜蓋卻迎新別駕  
碧幢應憶老諸生  
一本作先生  
象跡印雨歸蠻國  
鯨鬣掀潮撼海

城曾是鄉賢分守處  
試尋醉石共題名

自注余靖韶州人曾守欽

逢熊季可

暮雲春樹飽相思，喜共秋風捋白髭。  
北闕未知鸚鵡賦，南州空誦鷓鴣詩。  
旗亭尙喜髡能飲，客路誰知朔獨飢。  
賴有湘翁生計在，且吟九辨擷江離。

寄戴石屏

曾到元郎吟處，險雪蓬煙艇。欠相尋，鳳鳴道國，空詩句雁。  
到衡峯，只信音拾橡，祠邊寒聽雨。紉蘭院裏，夜分衾蹇，驢  
倘逐黃花約。鴉髭敲煙共掘，獲自注時石屏訪雪蓬於衡陽

寄李伯輝

石樓峯下寄，靜掩桑樞琢。楚珍蘋草青，莎招隱士暮。  
雲春樹憶詩人，門無車馬多嫌僻。家有圖書不似貧，擬借

大鵬揩老眼何時尊酒得相親

案李伯輝寧遠人進士

### 送董炎震歸攸縣

千菊溪頭話別情君行我住兩伶俜山中有酒招元亮石

上無禾養百齡狼尾屋低苔漠漠龍鬚菜長水泠泠

自注攸縣

有龍鬚菜故鄉語燕應堪聽莫放扁舟過洞庭

### 贈衡山侯霖

家住衡山茗塢深軒轅道士是知音  
宸尊酒好聊同醉石鼎詩難莫浪吟  
雨外虺隤寒食路花邊格磔故鄉心  
卻懷世上揚雄少腸斷侯芭何處尋

### 送駱丞謁襄帥廣西憲

知君無地種江離看遍衡山看九疑  
客路不堪還話別侯



門何處可題詩吟青羅帶行灘岸唱白銅鞮過習池呼酒  
試澆征馬足繡臺油幕有相知

題豫章宋德父游湘詩卷

醉呼仙叟共浮湘捆載風煙滿錦囊名似浦雲山雨起詩  
連沅芷澧蘭香好吟秋月招元結莫賦朝雲惱楚襄吳巨  
老仙今寂寞行人還解識珎璜

自注德父到春陵  
卽有詩弔曹景建

常寧道中懷許介之

雨過池塘路未乾人家桑柘帶春寒野巫豎石爲神像碑  
子搓泥作藥丸柳下兩姝爭餉路花邊一犬吠征鞍行吟  
不得東溪聽借硯村廬自寫看

題許介之譽文堂

并序

端平丙申桂林伯尙書鍾公以遺逸薦東溪先生許侯  
於朝越明年得旨補初品官衡州戶掾其誥詞於始則  
有夙有譽處且嫻文辭之褒於終則有其以行義教於  
鄉里之勉州里人士莫不榮之又明年許侯乃於東溪  
之濱砌堂五閒以爲講道著書之地仍摘天語譽文二  
字以張其名板上賜也堂成山齋先生爲之記者詳矣  
當世之名卿才大夫又爲之賦詠者衆矣余晚生小子  
何足言詩辱徵俚作不敢以固陋辭敬書二首以記盛  
事併序聖天子始終褒勉之意庶得附姓名於不朽云  
瑞案介之名所常寧人通志不爲立傳姓名  
僅見選舉表著作久佚欲求一字不可得矣

曾佐元戎洗綠林此翁何止擅詩聲久辭驃騎尋瓢飲誰

引鳴騶脂耦耕厚禮正羅溫處士浮名還汙阮先生衡茅  
那識絲綸美尙擬升堂結社盟

姜夔劉過竟何爲空向江湖老布衣造物忌名從古有詩  
人得位似君稀聖朝自要求夔木吾道何應賤蕨薇晚節  
黃花須愛護且教湘士挹芳菲

濂溪書院弔曹景建

太極樓頭霽月寒斷弦綠綺不堪彈窗前自長濂溪草澤  
畔還枯正則蘭畹野騷魂惟我弔烏臺詩案倩誰刊傷心  
空有金陵集開與江湖灑淚看

案曹景建亦不見  
通志仕履無可考

許介之以丞相周益公所書古樂府四篇見寄敬題

其後

紙上珊瑚閉木難曾敲黃閣卸吟鞍賞音今有平園否得  
句堪尋响樓刊鸚鵡夜棲金屋冷的盧秋戰玉關寒春風  
歸雁那知已寄與深宮絕塞看

讀繫年錄

原注紹興八年以後事

婁敬金縉滿去轉便看雷雨潤遐陬諸賢自抗排雲議  
宰相方深偃月謀湘國乍聞悲鵬鳥秣陵還聽唱符鳩九  
原晏老君知否搔首青編憾未休

櫟欄吳大帝廟

赤壁濡須事已虛且依櫟欄酌芳壺九原尙擬吞銅雀千  
載今惟記赤烏湘浦有人修舊祀荊州無地展雄圖定知  
斫案英靈在閒對祠前洗滌虛

昭陵渡馬伏波廟

功名要結後人知，馬革何妨死裹尸。  
漢帝可能疑薏苡，湘民卻解薦江離。  
紙錢撩亂巫分胙，粉壁闌斑客寫詩。  
墮水跼鵲無處問，灘頭斜照曬鸕鷀。

謁張兵部時守臨江新除湖南倉

東皇太一待新詩，其喜星槎溯楚涯。  
父老盡將看鸞鷁，使君應不問狐狸。  
江頭芳杜催行色，境內甘棠有去思。  
細讀詔書搔短髮，辨香那識帝王師。

蘇瑩中先往新淦過新喻訪之不遇賦詩爲寄

玉筍山前水拍空，知君何處繫吟篷。  
政輕奇士題凡鳥，漫有憂心詠阜螽。  
沅芷澧蘭猶戶戶，江雲渭樹若難同。  
門前

草木皆詩卷獨倚簷簫晚風

送蕭大山赴新興令

翡翠芙蓉去路荒許渾詩裏認封疆昔聞古佛傳宗印今  
得吟仙綰縣章魚婢蟹奴供俎豆馬人龍戶雜耕桑澹翁  
應解知心事試汲寒泉薦辦香

訪菊花山人沈莊可

網盡珊瑚采盡珠只餐秋菊養詩臙永嘉同社聲名在乾  
道遺民行輩孤我憾朱門無食客君言青史有窮儒飢寒  
正用昌吾道且對鈴岡共撫須

懷二蕭

未曾相見已相知楚粵江山棟萼詩每恨乾坤催我老卻

于渤海識君遲機雲才藻今無幾管鮑襟期說向誰靡靡

亂山嘶瘦馬碧雲日暮正相思

珠案二蕭無考集中有訪蕭大山父子詩中云家傳入某監梅種詩接三蘇父子名四海盡將看縣諸一堂那詩與文

疏拙

越冠齊瑟事皆非疏拙惟甘與世違客路鶯花愁裏看故  
山煙雨夢中歸采薇有備淮南靜移粟無謀浙右饑納納  
乾坤須俊傑湘翁祇合製荷衣

陳東甫酒閒舉作歸心只有杜鵑知之句猶未成篇  
因爲續之

歸心只有杜鵑知且倚裴亭共撚髭客路秋風吹杜若故

園春雨老辛夷自注陳君撫州人永貧未辦閒居賦世濁空吟感遇  
詩邂逅江湖還別去岸花檣燕兩堪悲

登潭州懷雪蓬姚使君

賈井裴亭徧短筇紅塵歸騎匆匆我尋桂樹吟招隱君  
對蓮花誦易通今日江山勞別夢他年燈火課新功濂溪  
最念初平老恨聽連牀話未終

下攝市

吟到湘潭一葉黃賈湖蹤跡正悲涼抱琴沽酒異鄉客打  
鼓發船何郡郎楚女越商相雜沓淮鹽浙楮自低昂塵埃  
市井無人識濯足江頭望八荒

雪峯寺



擬尋峒嶺看蟠螭且解青鞵濯禹溪弔古猶疑九枝柏談  
禪且問一莖薤虎爬崖樹供僧爨猿摸廟碑認客題應接  
溪山無好句滿牀空羨亂蟬嘶

到衡岳呈茅山長

閒依禹柏繫征驄猿鳥應猶怪賤蹤正擬閑雲訪韓愈可  
能邈雨識茅容朱陵洞裏秋呼鶴紫蓋峯前曉聽鍾欲踏  
青霞尋勝趣倦遊應許借吟筇

許介之館僕于東溪齋發贈別

洗耳泉頭漱晚涼西風衣袂水花香酒邊豪氣橫荆楚鉞  
下清談雜晉唐天地每窮真後傑山林偏有好文章試拈  
茹草同君舞後夜聞雞月滿牀

下第歸後李伯輝李景魏索近詩

吟遍吳頭楚尾春多慚征客問征塵振衣天日尋黃獨濯  
足湘江詠白蘋宋玉已慚稱進士陳三何用作詩人錦囊  
原屬君家有分買魚經理釣綸

題李湛溪詩集後

楚砧岷葛飽清遊金節銀菟照幾州詩句多如姚少監行  
得還□□參謀黃陵夜誦虞妃泣白帝春吟杜宇愁擬問  
湛溪何處是楚隨聞國弄漁舟

詠史六首

高祖

迹雖走鹿各消磨劍外功臣賸幾多四皓兩生元不聽故

鄧枉費大風歌

陳勝吳廣

假號偷名只可憐枉拋錢鏹弄戈鋌隴頭燕雀應相笑鵠元來是項燕

韓信

愁看鍾室劈良弓何不當時殺蒯通今日眞王成底事只應娥姁是英雄

東方朔

蜥蜴盆邊解滑稽且分社肉飽蛾眉劉郎最怕秋風冷那聽君言換殿帷

司馬相如

狗監無端薦薄情  
鵲裘續鼻帝鄉塵  
當時最有文君憾  
不識長門買賦人

班固

請室冤魂叫不聞  
神邱隆褐漫遺文  
平生詞藻誰知己  
腐鼠孤雛卻悞君

沐隄柳

萬縷春風牽沐隄  
錦帆何處柳空垂  
流鶯應有兒孫在  
問著隋朝總不知

讀李羣玉集

光順門前繫馬吟  
去文館裏翠雲春  
卻憐白首河西尉  
枉作蓬萊獻賦人

捐玦江頭弄釣舟  
蘭花仕若滿芳洲  
如何才子無騷思  
只詠薔薇與石榴

與復古叔讀橫渠正蒙書

惆悵枯株無睟盤  
雲橫太白夢魂寒  
半生驕吝如蝸縮  
自把西銘反覆看

誰掘驪山起老師  
竹林鐙火共心期  
年來後學輕前輩  
看徹皐比罷講時

題楊從行湘詩卷

原在楊  
即誠齋

仙雲寒鎖碧瑤天  
突兀崑崙北斗邊  
試問鳳皇誰得隨  
竹林聽雪對牀眠

叫雲吹玉舜祠邊  
醉嚼瓊糜漱石泉  
舊讀離騷今忘卻  
快

披秋卷吳蘭荃

次韻熊雲瀑秋夜見寄

吟落秋窗燭爍紅想彈丸辯入絲桐荃蘅豈不如葵菽誰  
繼幽風補楚風

叫徹蒼梧望入荒暮雲秋客各淒涼此情未許旁人會愁  
絕中庭月一方

無題

大袖褰衣走浙淮何人不識鶴山來只今心印誰傳得自  
招通書撥篆灰

撫州偶題

金柅亭邊柳拂城春風繫馬酒家吟塵埃滿面無人識卻

得黃鸝作賞音

萍鄉病渴

犬子無從典鸛鵲荒村  
忍渴望簾湘楚王萍是甜如蜜不  
許詩人取次嘗

甲午社日客桂林

卮酒豚蹄客裏歡石尤  
風緊泉衣單東陽病骨如鸛鵲最  
怯南州社日寒

桂林歲晚憶鍾尙書

塵滿湘翁薜荔衣江湖  
歲晚鬢成絲桂州楊五今何處雪  
片梅花枉費詩

醉中偶成

醉後茶臼嘯秋煙苦欠高陽買酒錢擬入亂山餐柏葉石  
牀閒對麝香眠

送友人游昭州呈陳謙之愈判

閔仙去補荔支譜梅谷歸呈飛鴛秋惟有瓜坡共君在馬  
蹏何苦又昭州

道鄉牽掛袈龍衣滴墮天涯詠楚離莫放蹇驢游別處拾  
青閣下有殘碑

鵬運堂前話別愁蒹葭三度楚江秋近懷莫向元龍道問  
舍求田是上頭

夏日偶書

蜾蠃銜蠅入破窗枕書一朶竹方牀家僮偶見草頭字誤



認離騷是藥方

秋日行村路

兒童籬落帶斜陽  
豆莢萁芽吐肉香  
一路稻花誰是主  
紅蜻蜓伴綠螳螂

新淦偶成

飛飛綠鳳桂梅梢  
猶記來時雪擁袍  
今日歸舟新淦路  
擔頭穉子賣櫻桃

贈吳季詩

燕子樓頭一曲春  
曾騎驕馬擲黃金  
如今世事漫頭雪  
破屋孤鐘忍凍吟

演教寺弔樓居朱潛

羅帶江頭蛻練衣人憐  
舊草蘭池祇今玉樹埋何處  
恨倩房認得詩

身塚難酬地下知逢人多  
飽項斯詩今朝痛灑西川淚  
萬里梅花欲放時

延真道院

第流翠竹接仙扁靈葉丹  
虬拱上眞擬就名翁分半榻  
聞聽秋雨守庚申

訪趙愚齋不遇謁者云入  
幕抵晚方歸因成一絕奉  
寄

雪片梅花滿硯池芙蓉藉  
裏客歸遲今朝解了公家事  
儘

聽轅門報酉時

自注愚齋舊有詩云無曾度日眞堪愧又聽轅門報酉時

沅湘耆舊集

前編卷第二十五

七

萍鄉和王堯章韻

征衲無人補舊綿  
蕭條客枕楚萍邊  
撥殘石炭西窗冷  
卻憶山家楮拙煙

趙司法詩集自題近道蓋取工部所貽元隱居詩中語也爲書二絕

和遍陶翁飲酒詩  
醉罷天地入鷗夷  
細看官爵成何物  
只帶奚囊過九疑  
浣花騷伯杳難遇  
世上宵無元隱居  
讀罷君詩三歎息  
斷弦絲綺定何如

聽廬山胡道士彈離騷

廬山道士菊潭仙  
前世滄浪握楚荃  
莫道離騷遺響絕  
孤

鉤窮餌尙能傳

弔湘誰解薦江離忠憤泠泠寫七絲愁絕九疑山下聽重  
華應許就陳詞

題王堯章佇香亭

滿池蜀錦照深衣盡日憑闌課楚詞要識此花香絕處露  
涼風細雨晴時

對花味道興何長好學顏家到坐忘莫與紅塵兒輩道心  
清正自得真香

故園荷屋傍濂溪苦愛蓮花入夢思今日題詩還自笑江  
湖塵土鬢成絲

題昭州田廷亮書巢後

檳榔口裏吐殘香折檻無門九虎深家在道鄉亭畔佳定  
應千古有知音

少海無波鶴禁虛滿朝閉口養曹蜍白袍烏帽和甯外卻  
有山人請建儲

贈李伯輝家譜詩

盤寇將軍後唐朝李邵家綠華雙薦者况復古今誇

琮案李邵字子元通鑒作邵侯閭反  
讀先生此詩知當時皆作入聲矣

沅湘耆舊集前編卷第二十六

新化 鄧顯鶴 子立審編

男琮謹輯

李太常芮一首

芮字秀穎號夷白耒陽人咸淳元年乙丑進士官

太常丞賜紫金魚袋有直釣巖詩刻江昱蕭湘聽

無械仙翁隱處在耒江上游九十里舊名鋤雲洞

近水一石刻洞壑源三字又蒲南佳處四字元王

正六年李從善書又一詩為宋進士李芮詩乾隆

壬子春兩過之因記其概琮案湖南通志選舉表

直釣巖

據衡州府志李芮宋咸淳進士太常丞耒陽縣志

謂舊志所載唐李史君詩乃宋李史君之謗史君

蓋翰苑之稱耳李史君芮字秀穎號夷白耒之進士從善即其從孫

無械仙翁去巖垂直釣名重開茅葦塞仰見斗嶽明便覺  
天光近從教俗眼驚登臨試一覽心目得雙清

何進士揚祖 一首

揚祖營道人咸淳元年乙丑進士有翥巖詩刻通志金石門翥巖詩刻有二一爲宋張綬題末題元祐四年三月十二日權提點荆湖南路刑獄公事張綬被命征寇偕通判邵州劉蒙都陽進士周邁同遊小巖墟下愛其幽僻乃命名翥巖紀之以詩一爲宋何揚祖題末書咸淳戊辰夏五月猶跋六月春陵何揚祖偕林陽芮大椿侯城鵬南翔云郡將牟侯招捕九月師次白倉遊翥巖次前韻作詩詩俱見武同州志古泉山館金石文跋考此翥字已見廣韻上聲三十八梗云天氣清朗鳥猛切江蘇崑山縣地名有翥子元末方國珍總翥子橋與張士城戰卽其地今猶書此字寶慶府鄭志雜識作翥巖談案翥巖在武岡今重修武岡志金石文字附藝文考後原作翥巖未悞翥也若寶慶鄭志譌誤甚多不勝辨也

喬巖次韻題壁

石室何時霹靂開  
曾聽鑪斧凱歌回  
詎知二百餘年後  
復有旌旗笳鼓來

附張綬  
勢濠淵幽深自可逃煩暑况有寒泉石下來

變御史元圃二首

元圃字不傳湘潭人咸淳四年戊辰進士歷官御

史拜奉直大夫宋亡後隱居不仕嘗讀書於縣之

楊梅洲古老相傳城西北御史田數百畝者其負

郭產也有插插亭者其視耕之所也有變家湖者

賓客姬侍畫舸簫鼓日夕之所遊讌也卒祀於鄉

湘潭縣志按白璞齋云湖南通志載元圃爲宋咸  
淳進士正字通萬姓譜則謂圃爲宋咸平進士咸



平吳宗年號距元二百餘年廖道南楚紀云元有  
天下楚人事之者僅馮子振等十三人其一為宋  
檢討姜天麟而變無聞焉則舊志謂元圃為元人  
又謂宋人而仕於元者皆無據而不足信或以元  
御史臺官撮合為三臺謂奉直大夫為元制不知  
奉直官隋宋大觀中已有之舊志所載多不可考  
必於其不確鑿之官階而附會之使不得為宋室  
完人也其意何居琮案通志載元圃為宋咸淳進  
士入元官三臺御史拜奉直大夫湘潭縣志崇白  
璣齋云云辨之如此楚紀又云楚人仕元者十三  
人湘鄉馮子振湘潭姜天麟惟元圃稱三臺御史  
不樂仕元然其錦濤詩有云亭高下瞰龍藏室天  
遠遙瞻虎拜班似亦未忘情於仕者豈可專咎子  
振輩哉是又以偶然漫與之詞貽後人譏彈之柄  
未足為據况龍藏虎拜不過偶爾屬對且又安知  
其所謂下瞰者非自占地步遙瞻者非指斥海粟  
輩耶惟道園賸稿有與元圃重別後詩元  
圃仕元與不無確證然其入元則久矣

過錦濤望嶽亭

十載重來一凭欄光陰不改舊江山亭高下瞰龍藏室天

遠遙瞻虎拜班耕釣每懷生處樂馳驅未許老來閒雄風  
入座披襟好靜看漁舟上錦灣

楊梅洲別墅

枯桑敗葉集寒鴉離落芙蓉晚見花有客歸來新作釣  
魚灣處是生涯

郭進士新一首

新寧遠人咸淳戊辰進士世亂隱居不仕築韞玉  
書屋以耕釣自適嘗賦詩刻崖今不可讀尙存石  
崖釣臺四字茲從新田志採得漁父詞一首亦煙  
波釣徒之流也

漁父詞

山光青水色綠春風澹蕩看不足草餘芊花撲簌漁艇移  
歌相續信浮沈無拘束釣回乘月歸灣曲酒盈樽雲滿  
屋不見人間榮辱

余舉人宏孫 二首

宏孫字升伯號白石平江人咸淳十年甲戌鄉舉  
和通山尹張松坡夢遊廬山吟

我行匡廬鬢青青往往大醉琵琶亭歸來老我二十載惟  
有夢寐勞神形有時遍歷開先寺老僧禪定胸胸睡有時  
經過五柳家秫香酒熟邀人醉恍兮惚兮眞若飛高泊天  
池坐忘歸晴雲漠漠披紫帽白鶴冉冉來羽衣方將殮霞  
煉顏色覺來無失亦無得何當整理下澤車共逐雙鳬訪

真跡

和余天開見寄

春樹君方吟渭北林塘我已卜溪西賞心樂事便游處花  
日飛飛鳥自哢

李進士琳二首

琳字梅谿長沙人咸淳中進士與尹穀顏應焱同  
榜二人皆仗節死難琳工詞章嘗游汴京有六么  
令木蘭花慢等詞傳世見詞綜游畧一闕猶有黍  
離麥秀之感焉殆亦未仕元也

京中清明六么令

淡煙疏雨香逕渺曉鳩新晴畫簾閒卷燕外寒尤力依約

天涯芳草染得春風碧人閒陳迹斜陽今古幾縷遊絲  
飛蜨誰向尊前起舞又覺春如客翠袖折取薦紅笑與  
簪華髮回首青山一點簷外寒雲疊梨花著雨柳花飛絮  
夢繞闌干滿園雪

沐京

木蘭花慢

葉珠仙馭遠橫羽葆簇蜺旌甚驚月流輝鳳雲布彩翠繞  
蓬瀛舞衣怯環珮冷問梨園幾度泐歌聲夢裏芝田八駿  
禁中花漏三更繁華一瞬化飛塵輦路劫灰平悵碧滅  
煙綃紅凋露粉寂寞秋城興亡事空陳迹只青山淡淡夕  
陽晴未向沙鷗說得柳風吹上旗亭

葵說一首

說岳陽人

湖南通志金石門說

之忠節當時河北二十四郡獨公能以死討賊勒石紀功之志見於是時因亂道五十六字以敘其欽慕之意紹興壬子三月望日題古泉山館金石文編云右詩正書十二行左行在磨崖左浯溪新志見磨崖碑之見作讀下文見於磨崖左浯溪新載如見又五十六字作五言六韻末無題字皆悞琮案已下諸人皆從通志金石門探出詩語少佳者

浯溪詩

生非耀口欲爭雄發見英華口自中口秉湘東千古筆已

思河北一時躬忠肝義膽平口口鐵畫銀鈎大紀功尊主

口口口子事晞顏志節亦顏同

郭三聘一首

三聘字次尹祁陽人有澹巖詩刻

金石萃編宋郭三聘澹山巖詩

行書中五行字數不齊末云悟溪郭三聘次尹紹  
定癸巳中秋偕唐可大周衡仲重遊感舊賦詩問  
訊龍王之神刻翠珎以彰靈跡姑俟異日殊老證  
明祁陽縣志山川萬石巖在縣北五里巖門前  
後石刻題名皆宋嘉定年號  
云訪邑士郭次尹今無知者

### 澹山巖

憶昔遊澹巖文社四爲侶相逢各年少抱負俱有素訓狐  
聖得知夜半叫已婁主人知客來倒屣相告語且言龍王  
神多有靈異處慙慙叩科名吉兆齋確許未成三先達陸  
續霄漢去轉盼三十載獨我尙困沮行將賈餘勇猶幸有  
孤注乘興偶重遊高敬香一炷再拜問龍王前約何可負  
朱衣願點頭成就在此舉擬欲鑱堅珉紀此一奇趣  
巖有尚用之詩我來訓狐無所聞老人戲我不動塵用鄒  
志完澹山巖故事也巖有訓狐凡貴客至則鳴志完將至

而狐輒鳴寺僧出迎志完怪之僧以狐鳴爲言志完作詩曰我入幽巖亦偶然初無消息與人傳狐戲學仙伽客一夜飛鳴報老禪初用之遊澹巖長老琦公曰不及預知不獲遠接用之曰貳狐不相報否琦老曰提刑道力行不動塵鬼神容有不知云云此詩五六語正用其事

趙楷一首

楷字端文南嶽人

湖南通志金石門趙楷浯溪詩前書中碑南嶽趙楷端文後

書端平丙申秋七月朔題湘中萬宗大宗口偕德中同遊古泉山館金石文編右趙楷詩正書八行在韋瑋題名後前人未見

中興碑

西風□□看浯溪玉潔摩空十丈碑不□開元久培植可能靈武善扶持斯文未泯今□□盛德之興彼一時崖下漫郎應在否□□流涕手題詩



王壺一首

壺道州人

通志金石門王壺浯溪詩末書春陵西山王壺漫記曾遊時寶祐丁巳仲秋上

泝書古泉山館金石文編右王壺詩正書存十行在磨崖石壁首行一句爲後人磨去改刻此刻前人未見

見

浯溪詩

□□□□□□□□□□淒涼八百秋入院伽藍先稽首題

詩神鬼暗添愁幾章鐫石珠璣燦一帶臨江泉石幽讀罷

中興碑去後山人便舉伴荃臚

莊密節一首

密節長沙人

通志金石門莊密節丁叔巖浯溪詩前書長沙莊密節丁叔巖遊浯溪各

成四韻而密節併齊諸壁時寶祐丁巳良月也

涪溪

元翁作頌魯公書峭壁雲煙萬古垂三絕堂邊月浸碧兩  
峯亭下草生悲英風義概有存者流水高山誰會之便使  
中原歸趙壁磨崖再勒中興碑

丁叔巖一首

叔巖里貫無考亦見涪溪石刻

涪溪

相去祁陽五里餘□江爲谷斷爲谿河南刺史老文學石  
上眞口健筆題風月滿堂無地著雲煙半壁與天齊英雄  
說著唐朝事淚澣長安蜀道西

歐陽慶甫一首

慶甫道州人有白魯井石刻詩

湖南通志金石案永州府志載白魯

井在道州西一里歐陽慶甫讀書處刻詩石上云云考宋詩紀事云歐陽慶甫咸淳中道州處士有

白魯井石刻詩與府志同

白魯井

地僻人稀能幾家清泉漱玉石欹斜客來訪我慚無具洗

甌炊香更點茶

周光嶽

一首

光嶽永州人

長沙

江上南風起白蘋長沙城郭異咸秦故鄉猶自嫌卑溼何

況當時賦鵬人

案此詩已見胡曾詠史楚風補以爲司光嶽作不知何本始仍舊存之

吳興一首

棟平江人

重遊道巖

元都重到拂題塵屈指於今十四春  
白石煙消丹竈冷蒼巖日永畫樓新  
山中自笑黔驢枝天外誰知海鶴身  
洞口桃花莫相笑劉郎猶是少年人

吳興一首

虎平江人

題玉翠樓

玉樓高倚漢昌城處士閒居不可名  
天際山青疑泰岱雲邊木落見長庚  
開簾曉挹晴光滿策杖秋吟爽氣迎  
我欲

巢雲向西竺何時風月話三生

鄒燦 一首

燦益陽人十歲學士胡貴以墨命賦燦立賦一絕

云云年十三卒

墨

一寸龍香一寸金仙家傳藥不傳心得來莫作尋常看千載文光翰苑林

劉浚 一首

浚寧鄉人隱丹東鷺山有詩刻石洞

東鷺山石洞詩

滿山雲雨蛟龍走萬壑風煙虎豹通巖竇石泉流出冷草

庵禪影坐來空

洞庭老人一首

卓彥恭嘗過洞庭月下有漁舟掉其旁卓問有魚  
否答曰無魚有詩乃鼓枻而歌云云

歌

八十滄浪一老翁蘆花江上水連空世閒多少乘除事良  
夜月明收釣筒

附錄楚寶真隱傳贊曰君山父老閑吟云湘中老人讀黃老手接紫蘿生碧草春至不知湖水深日暮忘卻巴陵道此猶是遁世高蹈語若世閒多少乘除事良夜月明收釣筒便將出世用世人熱心冷眼一齊喚醒然不讀黃老亦不知此語之妙洞庭之上君山之阿伊何人哉

瀟湘漁父一首

楚風補載瀟湘漁父歌於唐人鑑詩後云見古碑  
文後人遂併此爲人鑑作非也今次於洞庭老人  
之後琛案此詩亦見宋詩紀事九十六卷引谷音  
云或漁於潭得片石字十數行率磨滅僅得  
二十八字意幽人憤世之作不合於時故沈之以  
俟知者楚風補作瀟湘漁父歌殆別有所本抑或  
紀事引谷音之  
文割裂未全也

歌

乾淳老人氣嶽嶽破冠穿履行帶索撐腸拄肚背萬卷臨  
風欲言牙齒落

仙人橋石刻一首

淳祐年間石刻在平江天岳山下

詩

鄉村十里少人家手掬清泉嚼細茶洞口春深卻無酒故人相贈以桃花

幕阜山詩一首

亦石刻時代無考

詩

洞庭八百里幕阜二千尋造化鍾神秀人物如球琳

無名氏一首

合江亭後巖詩刻

蕭湘聽雨錄云合江亭後巖壁有寸許大字漫滅不可盡識年

月姓名又爲俗間記名者刊去錢蔣石太史于次公比部由粵西歸而過此摩挲不忍去因共讀之得不全七律云云蔣石以爲必宋人作琰案此詩前四句磨滅不可卒讀僅有來此州偶到合江游雨過幽十一字蓋以州游幽三字用韻耳今裁後四語爲絕句更覺老到



詩

韓愈詩奇封碧蘚朱陵洞古枕寒流肩輿歸去日將暮  
鳥一聲山更幽

無名氏一首

風雲洞石刻

在祁陽縣北五里詩  
無朝代年月可考

絕句

奇花異草滿西東更有風雲出洞中丹竈藥爐成底事  
人何處覓仙蹤

無名氏一首

見李文簡公善卷先生祠記

善卷壇

山擁翠屏千疊秀  
澗拖輕練一條深  
堯時高士煙霞洞  
依舊丹爐鎖桂林

無名氏 二首

衡嶽水簾洞石方平可坐可眠  
隱現於水中下刻

冲退醉石四大字有人題二絕於上

琮案成都章  
齊字隱之神

宋朝賜號冲退處士  
得道南嶽卽其人也

題冲退醉石

水簾洞前一片石  
留與仙人醉後眠  
珍重何人書四字  
風

雲重護鬼神憐

斯人胸次濶如海  
石上留書便出塵  
只恐清風明月夜  
此

閒真有醉仙人

沈湘耆舊集

前編卷第二十六

七

無名氏 一首

烏夜啼曲

巴陵三江口蘆荻齊如麻執手與歡別痛切當奈何

沈湘耆舊集前編卷第二十六終

沅湘耆舊集前編卷第二十七

忠義遺民

新化 鄧顯鶴 子立審編

男琮謹輯

李忠節公芾 一首

芾字叔章衡山人其先由廣平徙汴高祖升舉進士有廉名金亂捍父俱死曾祖椿徙衡州公生而聰警自樹立既長望之凜然若神以蔭補南安司戶轉祁陽尉辟湖南安撫幕官攝湘潭令差知德清除司農寺丞知永州轉浙東提刑知温州移浙西咸淳元年知臨安賈似道當國使臺臣黃萬石誣以贓罷之元兵取鄂起爲湖南提刑民因寇擾

奔竄公發所部兵捍衛縣與一皁幟令斬亂者民始帖然勤王詔下遣土豪尹奮忠將壯士三千人以赴時湖北皆已降元改公知潭州兼湖南安撫使其友勸勿行泣曰吾豈昧於謀身哉第以世受國恩向雖廢棄猶思所以報今幸用我以家許國必矣值所愛女死一慟而行德祐元年七月至潭所在兵已調盡游騎至湘陰倉卒召募得三千人命劉孝忠將之結溪峒以爲聲援繕器械峙芻糧柵江修壘募畱戍將吳繼明陳毅陳元推誠任之得其死力元阿里海牙旣下江陵分軍常德遏諸蠻洞而以大兵竟入公所遣將戰死再調繼明兵

不及出城已受圍公慷慨登陴勉諸將以忠義分  
地而守自九月至十月親冒矢石督孝忠等大小  
數百戰死傷相藉箭盡括扇爲羽取庫中積鹽席  
焚灰取鹽人飲血乘城三月不能下有招降者殺  
之以徇十二月圍益急砲風中孝忠不能起諸將  
以事急泣請曰吾屬不敢愛死如民何公叱曰平  
時國家養汝正爲今日第死守勿復言力已竭元  
兵以除夕日登城公坐熊湘閣召帳下沈忠諭曰  
吾分義當死第不可辱及吾家汝可盡殺吾家而  
後及我忠伏地叩頭固命之涕泣許諾取酒飲家  
人醉乃徧刃之公亦引領受刃畢縱火焚其居忠

還家殺其妻子至火所大慟亦自刎幕屬茶陵顏  
應焱安仁陳億孫皆死繼明等以城降時寶慶通判  
曾如驥城陷亦死毅潰圍將奔閩中道戰死事聞  
贈端明殿大學士謚忠節一子裕孫遣閩奉祀孫  
輔叔親迎於溫得免二王悉詔入閩官之公剛介  
沈毅出自性生不畏強禦居官廉潔自愛屢經擯  
斥家無餘貲生平好禮賢下士卽之溫然雖一藝  
小善亦惓惓獎薦之公守城時機務一以委參議  
醴陵楊霆又聘禮長沙尹穀耕叟爲參謀城破霆  
全家赴水死穀積薪局戶朝服望闕拜訖舉火自  
焚隣人趨救火熾不可前遙見穀正冠端笏危坐

烈焰中閤門少長皆死焉公聞之命酒酌曰尹務  
實先我就義矣務實穀字也初潭士以居學肄業  
爲重州學生月試積分高等升湘西嶽麓院生又  
積分高等升嶽麓精舍故潭人號爲三學生聚居  
州學猶不廢業穀死諸生數百人往哭之多死義  
者及城破公死潭民多舉家自盡城無虛井縊林  
木者相望噫此豈可易得之於人哉說者謂屈賈  
遺風朱張教澤漸涵於長沙者久抑楚人忠義出  
於天性然也呂溫題陽人城詩云忠驅義感卽風  
雷誰道南方乏武才天下起兵誅董卓長沙子弟  
最先來蓋其意氣慷慨忠誠奮發爲有自矣朱子



帥潭立五忠祠祀晉燕王承而以易雄虞惺諸人  
配享雄惺皆長沙人也余往官教官時議復朱子  
五忠祠以謂公之死最烈合幕屬顏應焱陳億孫  
及尹楊二公亦爲五忠謂宜合立一祠以朱子五  
忠爲主益以公等五人及明末何文烈公騰蛟劉  
忠毅公熙祚蔡忠烈公道憲周節愍公二南邱寧  
鄉公存忠總名五忠祠而以沈忠陵國俊諸人配  
享用以表揚節義風厲末俗荆南多淫祀桓桓忠  
靈曾不血食豈非闕典望古歆歆言之而已公詩  
僅見一首敬弁此卷題曰忠義而以督府忠義傳  
諸人及宋末遺民附焉

疏案朱子五忠祠正祀晉  
湘州刺史譙王承宗贈直

龍圖閣譚州通判孟彥卿系若通判趙民彥贈左  
監門衛將軍趙韓階諸人皆從刺史譚王承討王  
敦之逆仗節死者晉書有傳彥卿民彥二人未建  
炎三年同死叛卒杜彥之難民彥劉陽人附見宋  
史彥卿傳事之安定王子金人圍攻潭州城破巷  
戰大馬與玠同死見宋史趙士隆傳此外同時死  
緩者尚有前鋒謝淳亦劉陽人見彥卿傳將吏王  
陳見續通鑑俱不在五忠祠內祠久廢家君官瀉  
甯時屢請於上官議就老城內祠久廢家君官瀉  
以宋明末造經營湖南死事諸公合祀議而未成  
今城南書院山長沙陳堯農丈本欽於妙高峯  
南軒祠前砌建楚兩賢祠既又增祠五忠後五忠  
二龍川家君原議也唯何忠誠公與蘇公致命處  
專祠側聞潭之士大夫有議於泅水橋公致命處  
建立者忠義在人心必有起而任其事者矣

涪溪讀中興頌

羯鼓梨園跡已荒  
斯文猶在日星光  
我來細拂青苔石  
不憶三郎憶漫郎

陳節士子全

一首

子全攸縣人少剛猛殺人晚入佛學徒千數百人  
穎悟如高僧臨安陷與吳希奭王夢應自遁於同  
督府承制各授官子全聚眾數千善撫馭爲眾所  
懷復萍鄉縣袁州總管聶嵩孫宣差來萬戶舉兵  
來爭屢敗之會督師潰衆謂事未可圖遂退獨子  
全所部據險待命已而湘邵諸縣再陷北軍日夜  
環而攻之子全胸中流矢死子就逮盡殺之妻屬  
死獄無遺類琛案希奭亦攸人臨安陷希奭遣開  
使通行朝通蜀帥又遣區仲舉通桂  
帥及都元帥益王府旬月間遠近響應炎即位  
事問督府承制授官復醴陵遇北軍衆寡不敵死  
之一門三十口無免者  
見鄧光薦督府忠義傳

軍中寄內

一望瀟湘漏露迷胡笳吹月夜淒淒回天無力心難死矢  
日同讐志應齊但使首陽存漢地不教陰塞牧羗羝聲名  
一墮誰能贖珍重雌雄劍化蜺

趙節士惟一首

惟字靜齋衡山人忠靖公葵從子官淮東轉運判  
官從征李全屢立戰功以言罷德祐初起爲太府  
寺丞戍銀樹壩北兵至被執於豐登莊至北府辭  
家廟卽登舟至瓜州元帥阿木劫使招李庭芝降  
誘以高官靜齋佯許諾至城下大呼曰李庭芝男  
子死耳毋降也元帥怒殺之

辭家廟

祖父有功王室德澤沾及子孫今淮計窮被執誓以一死  
報君刀鋸置之不問萬折忠義常存急告先靈速引庶幾  
不辱家門

魯逸老仕能

仕能平江人淳佑四年甲辰進士官監利縣令平  
江九君子之一也宋亡後與同縣鄧希恕吳鉞魯  
仕行方采李應春張萬全羅太岳羅太亨爲九老

會見湖南通志金石門惜其全篇皆逸

通志金石門元九老

題名詩石在平江道嚴葆真觀宋遺民魯仕能年  
七十三吳鉞魯仕行鄧希恕年七十七方采李應  
春年六十九張萬全年六十七羅太岳年六十二  
羅太亨年六十皆平江人於至元間擇山水勝處

更迭主會凡歷十二年各題姓名及詩刻於石郡志無二羅魯仕行增李賓管轄曹惟高誅誤琮案九君子名目已見五十三卷李疎溪傳後

題道巖句

萬劫灰中存世界千層浪裏惜儒珍

梁遺民棟二十六首

棟字隆吉湘州人咸淳戊辰進士選寶應簿調錢塘仁和尉入帥幕宋亡依其弟柱入茅山從老氏學久之遭詩禍名益著有隆吉詩鈔吳振之所云宋遺民之矜然者也隆吉本湘人而生於鄂後遷居鎮江弱冠卽領漕薦宋亡歸武林蓋屢徙無定居方志失載遂無有知其爲湘人者矣詩稿見程

篁翁宋遺民錄最先裒輯者金華胡迺亦見吳孟

舉宋百家詩鈔得古今體詩二十首鮑氏知不足

齋所錄多七絕一首又補輯古絕三首詞二首其

二十六首其詩孤憤激烈黍離麥秀感念實深騷

屑哀音淒然滿紙致足感也今仍其舊曰遺民而

以吾楚宋末諸君子附焉

胡迺梁先生詩集敘先生姓梁諱棟字隆吉其

先相州人曾祖諱翼字羽之祖諱琛字仲玉父諱

定字安道皆仕金國金亡安道公道江南寓鄂州

先生以壬寅年十二月十六日生於鄂後遷鎮江

弱冠領薦薦戊辰登龍飛第初選寶應簿丁父憂

壬申再調錢塘仁利尉辟入帥幕一時聲名張甚

甲戌避地建上丙子宋亡歸武林開處守道安貧

潛如也弟諱柱字中砥入茅山從老氏學先生依

烏夷與遺詩禍自是名益聞卜居建康時往來茅

山中江東人士從學甚眾乙巳歲七月七日無疾

坐逝壽六十有囚葬城南鳳臺西鄉先生平日好

吟詠藥無打者門人問曰先生何故不持藥答曰  
吾詩堆傳人將有腹臬在可謂名言惟先生清風  
峻節無愧古人世罕知者詩如末耳先生豈欲以  
是名世顧詩無傳孝子慈孫不忍也乃哀集門人  
所記者得古律絕若干首樂府若干首并錄其平  
生出處大槩以俟後之君子云皇慶癸丑上元金  
華胡迺書

### 黃葵

乾坤有正氣閒色皆爲臣名葩據中央紅紫誰敢鄰傾日  
不忘君衛足恐傷身冥然無知識忠孝出本真林林天地  
閒戴履而爲人明靈秀萬物孰不尊君親嚙噬叔季後利  
欲泯天倫邈哉望帝國產此瑞世珍九夏不趨炎三月不  
爭春高秋風露冷孤標出清塵背時還獨立攬芳澗沾巾  
案鮑刻遺民錄隆吉有種蒹葭詩云家貧忽暴富菜  
種三十六癡兒不解事問我從何得子義苟有違



吾甯飢不食又雪中山茶千枝守紅死一點返魂  
魄累雨癡兒嬌勿曉不久當澄霽俱見至正直記

淵明攜酒圖

淵明無心雲纔出便歸岫東臯半頃秫所種不常有苦憾  
無酒錢閒卻持盃手今朝有一壺攜之訪親友惜無好事  
人能消幾壺酒區區謀一醉豈望名不朽閒吟籬下菊自  
傳門前柳試問劉寄奴還識此人否

久雨有感二首

冥雲生八荒驟雨忽然至中宵揭屋破漏溼無處避牀牀  
不得乾僮立見憔悴嬌兒莫曉哭少頃待晴霽

少年不學稼老大生理拙入山採黃精窮冬一尺雪虎狼  
正縱橫原野有白骨傷心重傷心吾饑何足恤

野水孤舟

前村雨過溪流亂行路迷漫都間斷孤洲盡日少人來小  
舟繫在垂楊岸主人空有濟川心坐見門前水日深袖手  
歸來茅屋下任他鷗鳥自浮沈

四禽言

不如歸去錦官宮殿迷煙樹天津橋上一兩聲叫破中原  
無住處不如歸去

脫卻布袴貧家能有幾尺布織盡寒機無得裁可人不來  
康叔度脫卻布袴

行不得也哥哥湖南湖北春水多九疑山前叫虞舜奈此  
乾坤無路何行不得也哥哥

提葫蘆年來酒賤頻頻沽衆人皆醉我亦醉哀哉誰問醒  
三闖提葫蘆

### 大茅峯

杖藜絕頂窮追尋青山世路爭嶮巖碧雲遮斷天外眼春  
風吹老人閒心大龍上天寶劍化小龍入海明珠沈無人  
更守名帝開有客欲問秦皇金顛崖誰念受辛苦古洞未  
易潛幽深神光不破黑暗腦山鬼空學離騷吟我來俯仰  
一慨懷山川良昔人民今安得長扛撐日月華陽世界收  
層陰一聲長嘯下山去草木爲我畱清音

案鮑刻遺民錄隆吉登大茅峯題此詩於壁黃  
冠訴於何省將以爲訓誥朝廷行省聞之省政  
梁於軋禮部免罪放還事詳至正直記又元特平  
仲山房隨筆梁隆吉老依元符官師詩道世計甚

禮之且蜀其家梁好嘲罵衆道士惡之遂賤此詩  
告官以議時逮捕金陵備嘗笞楚卒得免亦不偶  
於時而卒

### 金陵廢宮

六代俄然又一唐青山坐閱幾興亡心知江左非王業  
口說中原是帝鄉落日有時登北固春風吹夢過錢塘  
荆墳猶宅依然在畱與烏衣話短長

### 鳳皇臺

白髮人孤鸚鵡杯碧梧自老鳳皇臺管夷吾亦僅如許李  
謫仙今安在哉城郭是非秋雨外江山形勝暮潮來小閣  
只等中秋月且放青冥萬里開

### 白鷺亭

荻花蘆葉老風煙獨上秋城思渺然白鷺不知如許事赤  
鳥又隔幾何年六朝往迹秦淮水一笛晚風江浦船我輩  
人今竟誰許只堪漁艇夕陽邊

雨花臺

孤雲落日倚西風歷歷興亡望眼中山入六朝青未了江  
浮五馬憾無窮客愁已付蒲萄綠迢雨空餘瑪瑙紅我亦  
欲談當世事無人喚醒紫髯翁

題寅叔小園

深巷渾無市井喧主人有客便開樽數竿修竹三閒屋幾  
樹閑花一畝園楚岫和雲移怪石秦淮流月下高源此身  
且比淵明樂母在高堂子候門

贈嘉興徐同年

憶昔青龍在戊辰馬蹏同踏杏園春  
歸田令尹空書晉執戟郎君盡美新  
萬事不醒中酒聖一貧無奈訟錢神  
相逢莫效窮途泣自古求仁要得仁

金陵三遇有感

憔悴城南短李紳多情烏帽染黃塵  
讀書不了平生事閱世空將後死身  
落日江山宜喚酒西風天地正愁人  
任他蜂蝶黃花老明月圓林是小春

春日郊游和友人韻

憶昔東風御柳斜枯腸一日萬周車  
壯心難起泥中絮老眼羞看霧裏花  
巷陌幾家無主燕池塘一種爲官蛛  
江南

寒食無煙火白晝沈沈似月華

送李北山歸建康

人生無百年胡爲在遠道遊子歸故鄉王孫怨芳草有田  
歸去來無田歸亦好

貧賤有餓死富貴履危機東海不可漁西山采無薇四方  
已一氣我今將安歸

登鎮海樓聞角聲賦

聽徹哀吟獨倚樓碧天無際思悠悠誰知盡是中原憾吹  
到東南第一州

哀毘陵

原注德祐元年元兵攻常州城破知州事姚  
訥統制王安節等死之以下知不足齋輯補

荆溪水腥泊船早落日無人行古道羈懷有眼不識春來

風吹出青青草  
荒基猶認是人家  
敗柵曾將當城堡  
當時壓境兵百萬  
不脫鞬尖堪蹴倒  
短兵相接逾四旬  
毒手尊拳日攻討  
內儲外援兩消沈  
一縷人心堅自保  
孤臣守土輕性命  
赤子效死塗肝腦  
朝廷有爵愧降附  
幽壤無恩澤枯槁  
願箋司命錄英雄  
收拾忠魂昇穹昊

送存書記

一聲雨聲松子落  
一片雨片楓葉飛  
夕陽在山新月上  
道人相伴一僧歸

題葉東叔賓月堂

人生自是人閒客  
月亦天邊寄此身  
彼此虛空無著處  
誰歟是主復誰賓



登鳳皇臺

摸魚兒  
詞附

枕寒流碧紫衣帶高臺平與雲倚燕來鶯去誰爲主磨滅  
謫仙吟句愁思裏待誰與山靈還又羞拈起簫韶已矣甚  
竹實風摧桐陰雨痕繁物變新麗江山在認得劉郎阿  
寄年來聲譽休廢英雄不博胭脂井誰念故人衰悴時有  
幾便鳳去臺空莫厭頻遊此興亡過耳任北雪迷空東風  
換綠都付夢和醉

春夢

念奴嬌  
詞附

一場春夢待從頭說與旁人聽著卷畫溪山紅錦幃舞燕  
歌鶯臺閣碧海傾春黃金買夜猶道看承蕩靡香翦玉今  
生今世盟約須信歡樂過情閒嗔冷妬一陣東風惡韻

白嬌紅消瘦盡江北江南零落骨朽心存恩深緣淺忍把  
羅衣著蓬萊何處雲濤天際真漢

王聖與夢應

五首 詞附

夢應字聖與一字靜得攸縣人咸淳甲戌進士調  
廬陵尉元兵陷臨安起兵勤王與同縣吳希奭陳  
子全等自通於同督府與趙璠相應旬月間遠近  
響應景炎卽位事聞同督府承制各授官有差遂  
復袁州會兵敗子全中流矢死希奭復醴陵遇北  
軍眾寡不敵死之聖與竄歸收淮潭散遺舊兵善  
鬪捕者無敢近已文相被執厓山亡乃率百餘人  
閒行入承新依顏明叔後其眾亦散母妻子女皆

歿子身獨存未幾卒聖與詩不多見今從宋詩選  
宋詩紀事采錄共得古今體四首又詞一首見竹

垞詞綜

東歸

一櫂仍爲別他鄉復避兵客隨風雨老春著鼓鼙輕字出  
關何事艱危得此生門前一溪水幾日到江城

甲申元日

上日仍漂寄尊前客又非鄉心眠聽雨病骨晚添衣街鼓  
春將動簾櫳寒未歸梅花經一雪幾片不曾飛

呈李書史

火龍騎日雪飛空勁草亭亭不見風臣亮南陽今未老一

鋤雲碎日猶紅

太白仙人下岷峨謠

太白仙人下岷峨飛渡素煙紫瓊珂天風萬里吹銀河手  
接瑤草光透迥琅琅太清絲雲歌下弄倒影笑羲娥錦袍  
淋灑金叵羅醉圍嬋娟玉顏酡金庭昔日乘鸞過不肩上  
天著朝韓下界弱水飛塵多公爲星精辟兵戈願見瀛海  
秋澄波綠鬢灑灑吞天和後天不老公所哦

念奴嬌

詞附

欲霜更雨記青黃籬落東風前此簾外秋容人共老雁與  
愁飛千里水郭煙明竹陂波小萬葉寒聲起凭高那更九  
嶷吹盡雲氣婉婉空復多情年年歸夢花與柴桑似誰

能魂消風日晚短笛孤舟秋水江蟹籠新露黃斟淺甕得  
鄉關思平蕪天遠一痕黃抹秋霽

附錄善化湯布衣燮過攸追和聖與先生念奴嬌  
詞約蝦蟆更盡問傾危大厦更誰支此楚澤孤臣  
雙涕淚愁望烽煙千里九廟飛塵三靈寢曜兵爲  
勤王起故君何處海天空慘雲氣念是迴日心  
孤拔山力短遺憾知何似只恐淩涼遯鶴返怕繞  
錢塘江水事往前朝地經舊國忠義禁人思晚楓  
秋岸淚痕還染霜鬢雙字叔尺號小活晚號潛庵  
能詩善畫備力養母道光癸卯冬與余同客鄂者  
見余輒耆舊前編至元代因出此閱爲錄於聖與  
詞後以送來者甲辰春仲顯韓藏於明江藹舍

唐清父涇

四首

涇字清父道州人咸淳甲戌進士當國勢日蹙忠  
憤之氣時發於詩嘗作厓山亡詩聞者悲之見元

趙景良忠義集

甲戌客臨安

金谷煙花醉未醒  
甯邊無夢到功名  
十郎腹裏長函劍  
六丈胸中舊貯兵  
天豕星沉狼有影  
海鰐風緊鵠無聲  
如聞浩浩愁相訊  
何日衣冠樂太平

江南紀事

吳山一髮暮雲孤  
愁向湘纍訊故都  
鳳去只餘韶樂在  
雁來還有帛書無  
杏壇有客陳孤注  
平隴何人復五銖  
歌徹黍離風雨惡  
南山深處叫烏烏

廣亡徙海

箕冠如櫛擁旄旌  
誰執駢毛插晉盟  
遵海而南關氣數  
渡江以北少功名  
火旗掩靄雲藏闕  
水陣周遭雪壓城  
一榻

不畧人鼾睡那知霧島是神京

厓山亡

萬里輿圖入朔方搖搖孤注海之陽石尤風惡雲藏軫天  
駟星沉月掩房海上有人悲義士水濱無處問君王羲和  
指著烏飛路去去虞淵暮色蒼

尹希呂謙孫一首

謙孫字希呂茶陵人宋末以禮記魁鄉薦登咸淳  
甲戌進士希呂性至孝既成進士屬國勢不競歎  
曰掛讓之言尙汗許由之耳篡弑之粟豈飽伯夷  
之口哉乃歸築室以老與弟復孫自爲師友鍵戶  
不出湘甲人多重之著有虛心齋集詩不見僅錄

其福濟廟銘詞一首

福濟廟銘

皇王畫野紀綱人極周建親親素願孤立先漢鑒秦爰立  
輔臣大開九國跨築連雲賈生肇用主父攸式侯王之禮  
支庶作邑帝曰咨衆疇予屏藩長沙之子陽陵之孫克張  
克弛克比於軌繫民父母洵仁且美生爲仁侯死爲神明  
捍患禦災洋洋厥靈於穆皇王於迺丕績昭錫崇號以彰  
厥德有泓其水有時其陵實歌實祀不涸不崩

案福濟廟卽茶陵侯祠在州北江上祠漢長沙定  
王子茶陵節侯訢履封孚佑昭應英惠廣澤王王  
在國寬仁吏民追思請立祠以祀銘語  
連雲一本作連城屏藩一本作雪城

丁復見開

四首



開字復見長沙人負氣敢言湖南安撫使向士璧  
屢著戰功升湖南制置副使元將兀良哈解兵自  
交州北還前鋒至潭州城下攻圍急士璧盡力禦  
之圍遂解事聞賜金帶晉兵部侍郎賈似道入相  
忌甚諷御史陳寅侍御史孫附鳳一再劾罷之送  
漳州居住又稽守城時所用金穀逮至行部責償  
幕屬方元善者極意逢迎似道意復見憤甚獨詣  
闕上書具陳士璧有大功軍府小費不宜推究書  
奏羈管揚州歲餘卒詩見元杜本所編谷音集今  
從宋詩紀事摘錄凡律詩三首聯句一首聲情激  
烈視梁隆吉而又過之蓋仗節守義之士其詞較

然不欺其志者也

明都穆南濠詩話云元杜清碧本集亡宋節士之詩爲谷音二

卷惜世罕傳予近得其本如丁開可惜云父老俱

可惜

日者今何及天乎有不平功高人共嫉事定我當烹父老  
俱嗚咽天王本聖明不然罹黨禍攜淚向孤城

漂泊岳陽遇張巾行泛舟洞庭晚宿君山聯句

元氣無根株

開

地脈有斷絕

中

日月互吞吐

開

雲霧自生

滅

中

楚妃結幽想

開

巴客答清映

中

甯知莽蒼中不假巨

鼇力勢闔南紀浮

開

憑隨西風發形影寄孤舟

中

吾道成

駛舌笑談正凌傲

開

俯仰不逼側每與景物會

中

娛畢疊翠晚悄悄

開

墮蘂秋的的魚龍負蠃屬

中

獨鳥去

不忌曠原眇周抱

開

異境超橫憶徑度萬頃空

中忽得一

拳碧稍稍雞犬近

開

依依鐘梵夕推門月微墮

中養茗香

初歇衣裳識霜信

開

鉞鉢了禪悅事定心源清

中夢回斗

柄直周游興欲盡

開

長往計未決出門更回首

中沙水盪

虛白羨哉神禹功

開

已矣三苗國山川長不朽

中愚知俱

可惜神交正冥冥

開

指點空厖厖慎勿語俗人

中桃源恐

相失

開

### 建業

誰遣淒涼滿眼中蘋花渺渺又秋風

龍蹲虎踞江山大馬

去牛來社稷空縱有千人惟諾諾本無百歲更匆匆乾坤

顛倒孤舟在聊復殘生伴釣翁

揚州歲莫

萬國回春日，層城晚眺餘。  
江聲隔吳楚，原色到邳徐。  
大閱軍容壯，狂歌客禮疏。  
百年寒袂裏，風雨憶吾廬。

鄧德父希恕

二首

希恕字德父，平江人。國亡後，與同縣魯仕能、吳鉞等擇山水勝處爲九老會，更迭爲主。凡歷十二年，各題姓名及詩刻於石。

遊道嚴觀

有引

咸淳辛未良日庚申，予偕里人方震父、鄱陽胡濟可、趙惟學來遊講太極圖說，因以詩紀歲月云。

乘雲不到玉皇家，巖上仙桃幾度花。  
今日喜偕三益友，看

來丹竈煉黃芽

石敲新火煮雲腴細講濂溪太極圖此去不知千載後有  
人來講此圖無

句

龜鶴與犀同壽雋貂蟬相映半時賢

吳鉞

鉞平江九老之一

句

阮籍摩挲青眼舊鄒陽感慨白頭新

李應春

應春平江九老之一

句

家翁耆英希五老鶴歸華表認千年

羅太岳

太岳平江九老之一

句

素絲不改衣冠舊黃道從教日月新

羅太亨

太亨亦平江九老之一

句

且追白社爲耆會縱買黃金買少年  
勢利朋儔隨處有

詩章行輩逐年無

因會散  
悼諸友

洗湘耆舊集前編卷第二十七

六

王乙道南美一首

南美字乙道新化人世亂隱居縣之伊溪博洽經史尤邃於易執經問難者不遠數百里而至置義莊以養族屬之孤貧者著有釣月樓耕雲堂集今存詩一首

珠案乙道寶慶府志新化縣志俱作新化人通志藝文入新化人物入安化伊溪一作油溪溪出黃柏界山新化安化分界地又名豐樂嶺章惇開梅山詩云伊溪之源最沃壤澤地作邑民爭先者也溪東北流入資經行皆新安二縣境原可兩屬今仍通志藝文作新化人

釣月樓

居士作層樓不愛風花雪待得野雲收只釣溪邊月

蕭湘漁父一首

崔鑒晚泊湘江澹煙微月有客歌而過之追問若

與名置其釣竿長嘯而去亦見谷音集

絕句

高枕形骸外空江何限情落葉不成調半夜起秋聲



沈湘菴舊集

前編卷第二十七

六

沈湘菴舊集前編卷第二十七終